

Rhifyn Dau
HYDREF 2021



GIG
CYMRU
NHS
WALES

Iechyd a Gofal
Digidol Cymru
Digital Health
and Care Wales

CIPOLWG AR Y BWRDD

Helo Bawb,

Croeso i Gipolwg ar y Bwrdd, Fel aelodau Bwrdd yr Awdurdod Iechyd Arbennig, rydym i gyd yn teimlo ei bod yn bwysig eich diweddarau am rywfaith o'r gwaith rydym yn ei wneud ar draws y sefydliad ac yn GIG Cymru.

Daw'r rhifyn hwn gan **David Selway, ein Haelod Annibynnol.**

Mae Iechyd a Gofal Digidol Cymru fel Awdurdod Iechyd Arbennig wedi bodoli ers 6 mis bellach ac mae llawer wedi digwydd dros y cyfnod byr hwnnw.

Fel sefydliad rydym yn parhau i ddatblygu ac adeiladu ar y sylfaen gadarn a etifeddwyd gennym gan Wasanaeth Gwybodeg GIG Cymru (NWIS).

O safbwynt personol, rydw i wedi bod yn gwella fy nealltwriaeth ynghylch gofal iechyd fel maes a'r

acronymau niferus rydyn ni'n eu defnyddio! Rydw i wedi treulio fy holl yrfa mewn rolau Digidol a TG felly mae deall ochr dechnegol yr hyn y mae Iechyd a Gofal Digidol Cymru yn ei wneud wedi bod yn llawer haws.

Ar 2 Medi, cawsom ein sesiwn datblygu bwrdd hybrid gyntaf gyda'r rhan fwyaf o'r bwrdd yn cyfarfod wyneb yn wyneb am y tro cyntaf yng Nghaerdydd ac

ychydig o gydweithwyr yn ymuno â'r cyfarfod o bell drwy Teams. Roedd yn gyfle gwych i gwrdd â chydweithwyr newydd am y tro cyntaf mewn amgylchedd nad yw'n rhithwir.

Roeddwn i'n meddwl y byddai'n dda rhannu rhai o'r pynciau oedd dan sylw yn ein cyfarfod bwrdd ar 30 Medi.

- Cawsom sesiwn gwrandio a dysgu ar ddatblygiad y System Imiwneiddio Cymru (WIS) newydd i gefnogi cyflwyno'r brechlyn Covid. Roedd hon yn enghraifft wych o NWIS/Iechyd a Gofal Digidol Cymru ar ei orau.
- Cawsom ddiweddariad ar ddatblygiad ein strategaeth cwmwl Iechyd a Gofal Digidol Cymru newydd.
- Cawsom ein briffio ar y rhaglen e-Bresgripsiynu newydd sydd ar fin cael ei lansio.

Daeth nifer o eitemau i'w cymeradwyo yng nghyfarfod y bwrdd:

- Cymeradwywyd ein fframwaith strategaeth ymgysylltu newydd, a fydd yn helpu i gryfhau ein perthynas â rhanddeiliaid allweddol.
- Cymeradwywyd y strwythur gweithredol newydd arfaethedig sy'n adrodd i Helen Thomas fel Prif Weithredwr hefyd gan y bwrdd.
- Fel rhan o gyfarfod preifat y bwrdd, cymeradwywyd achos busnes y system LINC newydd hefyd. Gwnaed hyn yn breifat oherwydd sensitifrwydd masnachol yr achos busnes.

Fel rhan o'n strategaeth ymgysylltu newydd, rydym yn gobeithio sefydlu rhwydwaith Aelodau Annibynnol gyda ffocws penodol ar bopeth digidol. Mae Aelod Annibynnol yn rhan o arwain y maes digidol/TG yn y mwyafrif o'r Byrddau Iechyd. Byddai'r aelod hwnnw yn cael ei wahodd i gymryd rhan yn y rhwydwaith ochr yn ochr â rhai o'n Haelodau Annibynnol.

Fel Aelod Annibynnol rydw i hefyd yn gwasanaethu ar bob un o 3 phwyllgor Iechyd a Gofal Digidol Cymru. Mae hyn wedi fy nghaniatáu i ddeall yn gyflym yr hyn y mae Iechyd a Gofal Digidol Cymru yn ei wneud a'r heriau sy'n ein hwynebu. Cefais gyfle hefyd i gynnal un o'n TENTalks a rhoddodd hwn gyfle i mi gyflwyno fy hun i'r staff. Hoffwn ddiolch i'r staff hynny a fynychodd ac am y cwestiynau a'r adborth gwyh.

Diwrnod olaf Bob Hudson yn ei swydd fel Cadeirydd Dros Dro Iechyd a Gofal Digidol Cymru oedd 30 Medi hefyd. Gwnaeth Bob waith rhagorol yn llywio'r sefydliad trwy ei wneud yn Awdurdod Iechyd Arbennig ac fel Cadeirydd yn ystod ein 6 mis cyntaf. Ar 1 Hydref cymerodd Simon Jones sydd ag ystod eang o brofiad (GIG, Sector Preifat a'r 3ydd Sector) yr awenau fel ein cadeirydd parhaol. Rydw i eisoes wedi cael cyfle i gwrdd â Simon ac rwy'n siŵr y bydd yn adeiladu ar y sylfeini sydd eisoes wedi'u sefydlu.

Hoffwn hefyd eich annog chi i gyd i gymryd 5 munud o'ch diwrnod gwaith i wyllo [Crynodeb y Bwrdd](#) gan Grace Quantock, er mwyn eich hysbysu am holl ddigwyddiadau'r Bwrdd.

Yn ogystal, os hoffech chi i mi ymuno ag unrhyw sesiynau tîm, byddwn i wir yn croesawu hyn. Dim ond anfon e-bost at dhcw.corporategovernance@wales.nhs.uk sydd raid a bydd ein tîm Llywodraethu Corfforaethol yn trefnu hyn.



David Selway
Aelod Annibynnol

